

ԹՂԹԱԿՑՈՒԹԻՒՆ ԻՐԱՆԻՑ

«ԵՀՈՎԱՅԻՒՆ ՎԿԱՆԵՐ», ԹԷ՞ ՍՏՈՒԹԵԱՆ ՎԿԱՆԵՐ

Վերջին տասնամյակների ընթացքին յայտնաձևված մեծ ու փոքր աղանդների շարքին է «Եֆովայի Վկաներ» կոչված չարալից եւ վնասակար աղանդը, որի հիմնադիրներն ու հետմորդները Քրիստոսի ճշմարիտ հավատը ուրացածներ են:

Իրենց բերանացի ու գրաւոր բոլոր արտայայտութիւնների մէջ Եֆովայի Վկաները սիրում են իրենց ներկայացնել իբրեւ միակ ճշմարիտ հաւատացեալներ եւ Եֆովայի միակ հաւատացեալներ, «ընտրեալներ», Աստուծոյ անունը (Եֆովա) կրող միակ ճշմարիտ «Աստուծոյ Ժողովուրդ», կարծէք թէ մենք՝ աշխարհի բոլոր քրիստոնեաներս, լինէինք «Աստուծայի Ժողովուրդ»:

Այս պղծաշուրթ հայհոյիչները որպէս թէ Աստուծոյ դատն են պաշտպանում: Նրանք չեն ընդունում Երրորդութեան վարդապետութիւնը, Եկեղեցւոյ Խորհուրդները: Մերժում են Քրիստոսի կատարեալ մարդ եւ միաժամանակ կատարեալ Աստուած լինելու քրիստոնէական մեր դաւանանքը, չեն ընդունում Նոր Կտակարանում Քրիստոսի աստուծային էութեան եւ առաքելութեան մասին գոյութիւն ունեցող բացայայտ վկայութիւնները:

Եֆովայի Վկաների քարոզած հաւատքը չի կարելի քրիստոնէական հաւատք անանել, որովհետեւ իրենց ուսուցումները չեն հիմնւած Քրիստոսի մասին Նոր Կտակարանում գոյութիւն ունեցող բացայայտ վկայութիւնների, ինչպէս նաեւ տիեզերական ժողովներով եւ մեր եկեղեցական հայրերի կողմից հաստատւած քրիստոնէական հաւատալիքների վրայ:

Նրանք իրենց ցանկացած աղանդաւորական գաղափարները քարոզելու համար չարամտօրէն եւ կամայական կերպով չարափոխում են Աստուծաշունչի մի շարք էական հատատւումները, իսկ յաճախ երեւակայութեամբ փորձում են սրբագրել կամ լրացնել Աստուծաշունչի մէջ գոյութիւն ունեցող «պակասները»:

Առհասարակ Աստուծաշունչին անծանօթ բարեմիտ ու պարզ հաւատացեալներին խաբում են ստից սարքւած տեսութիւններ ներկայացնելով, Աստուծաշունչի անունով: Անգիր արած համարներ իրար յետեւից, թութակաբար կրկնելով, իրար հետ յաճախ կապ չունեցող համարները արեւստականօրէն իրար կարկատելով, միապաշտութեան կէտը մէջբերելով, մնացեալը չարափոխելով կամ վրայից անցնելով, ճարպկօրէն խաբում են իրենց ունկնդիրներին, որոնք իրենց հակաճառելու պատրաստութիւնն ու կարողութիւնը չունեն:

ՈՒՍՏԻ, ԵՀՈՎԱՅԻ ՎԿԱՆԵՐԻ ԱՍՏԻԱԾԱԾՈՒՆՁԻ ԱՆՈՒՆՈՎ ՔԱՐՈ-
ԶԱԾՆԵՐԸ ԱՅՆՔԱՆ ՀԵՌՈՒ ԵՆ ԱՍՏԻԱԾԱԾՈՒՆՁԻ ԾԾՄԱՐՏՈՒԹԻՒՆԻՑ,
ՈՐՔԱՆ ԵՐԿԻՆՔԸ՝ ԵՐԿՐԻՑ:

Քրիստոնէական բոլոր Եկեղեցիները ամխտիր՝ Ուղղափառ (Օրթոդոքս), Առաքելական, Կաթոլիկ ու Բողոքական, իրենց հրատարակութիւններով եւ պաշտօնական յայտարարութիւններով բազմիցս հերքել ու դատապարտել են նրանց ստապատում եւ մոլար վարդապետութիւնները եւ զգուշացրել իրենց Եկեղեցիների անդամներին հեռու մնալ այս խաբեբայ եւ վտանգաւոր *աղանդաւորներից, հերետիկոսներից*:

Ուստի, մենք եւս այսու գրով պաշտօնապէս յանձնարարում ենք մեր Եկեղեցւոյ զաւակներին. նորելուկ այս Յուդաներին դուրս շարտել մեր համայնքի միջից, նրանց աներես ու վարձկան քարոզիչներին չթողնել, որ մուտք գործեն մեր տներից ու դպրոցներից, մեր ազգային հաստատութիւններից ու միութիւններից ներս:

Ամհրաժեշտութեան պարագային մենք շատ աւելի խիստ կը վարենք նրանց հետ. թոյլ չենք տալ օգտուելու մեր կրօնական եւ ազգային հաստատութիւններից եւ հնարաւորութիւններից: Առայժմ մեր բարոյական պարտականութիւնն ենք համարում յստակ դիրք ճշտել նրանց նկատմամբ, լուսաբանել եւ յորդորել մեր Եկեղեցւոյ զաւակներին՝ չխաբւել նրանց սուտ ու շինծու խօսքերից ու հաւատարիմ մնալ մեր կրօնական ու ազգային սրբութիւններին, մեր քրիստոնէական մաքրամաքուր հատարքին:

ՐԱՍԸԼԱԿԱՆՈՒԹԻՒՆ ԿԱՄ «ԵՀՈՎԱՅԻ ՎԿԱՆԵՐ»

Որպէսզի մեր ժողովրդի զաւակները իմանան, թէ այս չարիքի արմատը որտեղից է ծնունդ առել եւ շատ հաւանաբար ներկայիս տնտեսապէս եւ բարոյապէս հովանաւորում է միջազգային Սիոնականութեան կողմից, ստորեւ համառօտ կերպով ներկայացնում ենք, թէ ո՞վ էր «Եհովայի Վկաներ» կոչւած այս թունալից աղանդի հիմնադիրը՝ Չարլզ Թէյզ Բասըլը, որի անունով սկզբնական շրջանին ճանաչւած էր այս աղանդաւորական շարժումը՝ որպէս «Բասըլականութիւն»:

Իրապէս ամհրաժեշտ է իմանալ Քրիստոնէական Եկեղեցւոյ եւ հայութեան այս թշնամիները ու՞մ, ինչպի՞սի մի անձնաւորութեան ուզում են մեզ հետեւորդ դարձնել. այլ խօսքով՝ փորձելով խզել մեզ մեր շուրջ 2000 տարւայ քրիստոնէական արմատներից, մեր Եկեղեցւոյ հիաքանչ արարողութիւններից եւ ծէսից, մեր պատմութիւնից ու սրբազան գրականութիւնից, մեր հոգեւոր ու մշակութային ժառանգութիւնից, մեր ազգային աւանդութիւններից եւ լուսապսակ սրբերից, փորձելով խլել մեզանից մեր բիւրաւոր նահատակների արեան հեղումով մեզ փոխանցւած մեր ազգային ու կրօնական իւրայատուկ նկարագիրն ու հայկական ինքնութիւնը, այո, նրանք ուզում են մեզ հետեւորդ դարձնել մի մարդի եւ նրա մոլար վարդապետու-

թեան, որի մասին անվարան կարելի է գործածել *խաբքայ, ստախուս, զեղծարար, շահամոլ, անբարոյական ու վտանգատր քաղաքական գործիչ* բառերը:

Այս մարդը՝ Չարլզ Թէյլ Բասըլը, ծնել էր 1852 թին Ամերիկայի Փենսիլանիա նահանգի Փիցպըրկ քաղաքում: Ի դեպ Չարլզը ստացել է միայն դպրոցական տարրականի մակարդակի ուսում:

Իր ինքնակոչ մարգարէութիւններով յայտարարեց, որ Քրիստոսի Երկրորդ Գալուստը տեղի է ունենալու 1872 թին, ապա փոխեց թականը 1874-ի եւ վերջում գուշակեց, որ աշխարհի վախճանը գալու է 1914-ին: Այստեղ կարիքը չկա շեշտելու, որ իր բոլոր գուշակութիւնները սուտ դուրս եկան:

1878 թին Փիցպըրկ քաղաքում, առանց որեւէ եպիսկոպոսից կամ հոգեւորականից ձեռնադրած լինելու, ինքն իրեն յայտարարեց քահանայ, հովիւ (Pastor) իր հետեւորդներից կազմած իր աղանդատրական շարժումին, որը մինչ այդ գոյութիւն ունեցող պաշտօնական որեւէ Եկեղեցւոյ հետ առնչութիւն չուներ վարդապետականօրէն եւ կազմակերպչական տեսակէտից:

1879 թից սկսեց հրատարակել իր «Դիտակ» (Watchtower) կոչւած պաշտօնաթերթը եւ լոյս ընծայել իր գաղափարները տարածող բազմաթիւ գրքոյկներ եւ գրքեր: Անուանով հոգեւորական (անշուշտ ինքնակոչ, ստից հոգեւորական), իրականութեան մէջ վաճառական, Չարլզ Բասըլը միաժամանակ մախաձեռնել է բազմաթիւ գործեր: Որպէս ճարպիկ գործարար (*Բիզնիսման*), հիմնել է աղիւսի, քարածուխի եւ այլ գործարաններ, ընկերութիւններ: Ծառագործել է իր աղանդատրական շարժումի բիւջէները, ապահովելով իր անձին համար մեծ գումարներ:

Չարաշահելով իր հանգամանքը, իր հետեւորդների, այսպէս կոչւած՝ Եհովայի վկաների կիների եւ աղջիկների հետ ունեցել է անբարոյական կեանք: Իր յարաբերութիւնները իգական սեռի իր հաւատացեալների հետ այնքա՛ն բացայայտ եւ լկտի ձեւով է շարունակել, որ իր օրինատր կիմը, այլեւ չհանդուրժելով նրա ցուցաբերած գայթակղեցուցիչ ընթացքին, Չարլզ Բասըլի դէմ դատ է բացել 1909 թին եւ, ապացուցելով նրա անբարոյականութիւնն ու ապօրինի կենակցութիւնները, նրանից պաշտօնապէս ապահարգան է ստացել, իսկ դատարանը Եհովայի վկաների հիմնադիրին տուգանել է 6036 դոլար, որը այդ ժամանակ մեծ գումար էր:

1911 թին մի այլ գայթակղութիւն եկաւ աւելանալու Չարլզ Բասըլի մեղքերի վրայ: Նա յայտարարեց (ու դժբախտաբար շատ միամիտներ հաւատալով խաբեցին), որ իր կողմից օրհնւած «հրաշագործ ցորեն» է ծախսում: Ով որ գնէր այդ ցորենից (անշուշտ նա իր հրաշագործ ցորենը սովորական գինի շատ աւելի թանկ էր ծախսում) եւ օգտւէր դրանից որպէս *սերմացու*, հինգ անգամ աւելի բերք էր ստանալու:

Բնականօրէն շահամոլական նպատակներով կատարւած այս խաբեքայութիւնը եւս երեսն եկաւ: Խաբամները Չարլզ Բասըլի դէմ դատ բացեցին, եւ նա պարտաւորեց 100.000 ա. դ. (հարիւր հազար ամերիկեան դոլար) տուգանք վճարել:

Այս մարդը ինքն իրեն հռչակել էր որպես Սուրբ Գրքի մասնագետ, ամենագետ ու բազմաթիւ աստածաշնչական հին լեզուների տիրապետող: Իր դէմ բացած մի այլ դատի ընթացքին դատարանում իր ստախոս ու խաբեբայ լինելը փաստեց, երբ նա չկարողացաւ լուծարել լեզւի տառերն իսկ ճանաչել ու արտասանել, էլ ուր մնաց, որ տիրապետեր հին լուծարելն լեզւին:

Հակառակ իր ամբողջ կեանքի ընթացքին ցուցաբերած անկայուն, խաբեբայ ու անբարոյական վարքագծին, այս ճարպիկ ու հմուտ ստախոսը միշտ էլ յաջողեց այս կամ այն պատճառով Բողոքական Եկեղեցուց դժգոհ անհատներին իր շուրջ հաւաքել, տնտեսապէս եւ թականօրէն աճեցնել իր աղանդաւորական շարժմանը յարողներին:

Եհովայի Վկաների արտայայտած հակաքրիստոնէական եւ Սուրբ Գրքի որոշ հատածների ու համարների վերաբերեալ նրանց կատարած խաբեբայութեանց եւ խախտումների մասին շատ է գրել բոլոր պաշտօնական Եկեղեցիների կողմից եւ փաստացի տեսչակներով ցոյց է տրուել, որ «Բաւրականութեան» կամ Եհովայի Վկաների քարոզչութեան եւ գործունէութեան բուն նպատակը քայքայել ու կործանել է Քրիստոնէական Եկեղեցին, իսկ մեր ժողովրդի պարագային՝ նաեւ ապագայ-նացրել ու այլասերել մեր համայնքի անդամներին, հեռացնելով նրանց Հայոց Եկեղեցուց եւ հայութեան ներկայի եւ ապագայի կրօնական եւ ազգային նպատակներից:

Հետագային իր յաջորդը՝ J. F. Rutherford-ը զարգացրեց շատ աւելի այլանդակ եւ ծայրայեղական գաղափարներ, որոնց պատճառով Եհովայի Վկաները վերջնականօրէն դուրս դրեցին քրիստոնէական Եկեղեցուց ընտանիքից:

20-րդ դարի ընթացքին այս աղանդաւորական շարժումը ստացաւ նաեւ քաղաքական գունատորում՝ քարոզելով ու թելադրելով իր հետեւորդներին չհնազանդուել ո՛չ միայն իրենց պատկանած Եկեղեցիներին, այլ նաեւ պետութեանց:

Դժբախտաբար ներկայիս շատ է նրանց թիւը Հայաստանում, քանի որ ունեն ծանօթ ու անծանօթ աղբիւրներից հայթայթող հսկայական միջոցներ: Օգտուելով հայութեան ապրած տնտեսական շատ ծանր պայմաններից, նրանք քաղցկեղի (*քանաքրի*) մեծ տարածում եւ ճիւղաւորում են Հայաստանում, ինչպէս այլ աղանդաւորական շարժումները: Ղարաբաղում նրանք յաջողութիւն չունեցան, քանի որ մի քանի տարի առաջ Արցախի հոգեւոր եւ պետական ղեկավարութիւնը, զինուորական իշխանութիւնները գիտակցելով նրանց ազգավնաս գաղափարախօսութեան Արցախի ինքնապաշտպանութեան ու ազատագրական պայքարի օրերին, նրանց նկատմամբ ցուցաբերեցին ճիշտ, այսինքն խիստ կեցածք, որի պատճառով նրանք չկարողացան արմատաւորել Արցախի հողում:

Յետագային մենք առիթ կ'ունենանք Տեղեկատու-ի էջերից անդրադառնալու աւելի մանրամասնօրէն նաեւ նրանց մոլար վարդապետական ուսուցումներին: Այս միջոցով առաւել չափով հետաքրքրողներին առ ի գիտութիւն յայտնենք, որ դեռեւս 1993 թին, զգալով այս աղանդի ներկայացրած վտանգը հայ համայնքի համար, թեհրանաբնակ մտաւորական Աբրահամ Յովասափեանը մի գեղեցիկ գիրք է գրել նրանց դէմ՝ «Ովքե՞ր են Եհովայի Վկաները» անունով: Ստորեւ տալիս ենք այդ գրքից որոշ գլուխներ.

Բաարկականութեան համառօտ պատմականը.

«Եհովայի Վկաները» աղանդի մոլար վարդապետութիւնները.

Եհովայի Վկաները խեղաթիւրում են Սուրբ Գրքի խօսքերը եւ շեղում՝ մեկնութիւնը.

Եհովայի Վկաներն ուրանում են Սուրբ Երրորդութիւնը.

Եհովայի Վկաներն ուրանում են Սուրբ Հոգու էութիւնն ու Աստածութիւնը.

Եհովայի Վկաներն ուրանում են Յիսուս Քրիստոսի Աստածութիւնը.

Եհովայի Վկաներն ուրանում են Յիսուս Քրիստոսի խաչելութիւնը.

Եհովայի Վկաներն ուրանում են Քրիստոսի մարմնով յարութիւնը.

Եհովայի Վկաները Յիսուսի երկրորդ Գալստեան մասին մոլար կարծիք ունեն.

Եհովայի Վկաներն ուրանում են հոգու գոյութիւնն ու անմահութիւնը.

Եհովայի Վկաները անգաւիտիսում են Սուրբ Գրքի խօսքերը՝ իրենց օգտին.

Եհովայի Վկաներն աղճատում են Հաղորդութեան Սուրբ Խորհուրդը.

Եհովայի Վկաները դէմ են որեւէ կրօնական կազմակերպութեան.

Չեն տօնում (Քրիստոնէական տօները),

Եհովայի Վկաներն ուրանում են Հիմ Կտակարանում արձանագրած յարութեան դէպքերը եւ աղճատում՝ Նոր Կտակարանի յարութեան պատմութիւնները:

Կարծում ենք, այս խորագրերով կատարած հաստատումները, ըստ ինքեան, բաւական են ապացուցելու, որ մենք այստեղ գործ չունենք քրիստոնէական մէկ Եկեղեցւոյ հետ, այլ գործ ունենք մի վտանգաւոր հակաքրիստոնէական աղանդաւորական շարժումի հետ, որի նպատակն է, ինչպէս ասացիմք, կործանել քրիստոնէական մեր հաւատքն ու Եկեղեցին եւ ապագայնացնել եւ այլասերել մեր ժողովուրդը:

Ուստի, կրկին կոչ ենք անում մեր Եկեղեցւոյ զաւակներին, դուրս վտարել այս խաբեքանքին մեր համայնքի միջից:

